

**Beñat Zarrabeitia**

◆ KAZETARIA

## Herritarren protagonismoa aurrera egiteko

AZKEN HILABETEETAKO gertaera guztien analisi egokia egiteko oraindik denbora beharko bada ere, dagoeneko konstatazio argi bat egin dezakegu: euskal jendartearen gehiengo soziala osatzen duen masa transbertsala ez dago prest Espainiako Gobernuak konponbidearen aurka jartzen dituen traba eta oztopoak onartzeko. Herrira-ren edo EPP-Kren kontrako erasoak arbuaitu ditu gehiengo batek, Estrasburgoko epaia, preso politikoen urrats berriak zein urtarilaren 11ko mobilizazioa hauspotu eta txalotu ditu.

Inboluzioaren estrategia errekerperatu du Moncloak, ETAREN biktima jakin batzuen, lobby ultraeskuindarraren eta Guardia Zibilarren zein Velasco epailearen magaletan. Egoera horrek Euskal Herriko pertsona asko sumindu ditu, sigla zehatzen gainetik. Izan ere, prozesuaren eta unilateraltasunaren klabe nagusietako bat Euskal Herrian konponbidea erdiesteko baldintza egokiak sortzea da. Pieza bat mugituz, partidaren nondik norakoak aldatzea. Gobernuak fitxak kontrako norabidean kokatu dituen arren bertan akordio soziala existitzen dela nabari da. Bai, ñabardurekin, euskal jendartearen gehiengo bat politika eta eskaintza sozial berriak eskatzen ditu norabide anitzetan, besteak beste preso politikoen auzian giza eskubideak errespetatu eta aurrera urratsak emateko.

Bilboko mobilizazioa horren erakusle da. Ez zen siglen batuketa hutsa izan,

nahiz eta halabeharrez deitzailerak alderdi nagusienak eta bozkatuenak izan, hortik askoz haratago doan zerbait baizik.

Zoritxarrez, gatazka, sufrimendu eta polarizazio politiko gordin baten testuinguruan, herritar asko alderdi edo kultura politiko jakin baten atzean enkolumnatuta ikusi ditugu, baina jada jendarte ikuspegi berri bat pertzibitzen da. Askoz

*Siglak gaintitzen dituzten gehiengoak eratu behar dira*


irekiagoa eta konponbidearen beharrean bat egiten duena. Konfluentzia horren aurreneko puntuetako bat espetxe politikaren aldaketa da.

Siglak eta posizio politiko estankuak gaintitu behar dituzten gehiengoak eratu behar dira. Aldaketak eragitea posible delako, herritarrok protagonismoa hartu behar dugu. Pertsona askoren nahia eta energia biltzean helburua gertuagoa izango da. Komunikazioa, konbentzimendua, konpromiso maila ezberdinetatik abiatuta, dogmatismorik gabe eta sentibiltate ezberdinen arteko pertsonen arteko sedukzio eta lana bateratuarekin.

Ziurrenik, 1989ko udan, norbaitek Berlingo harresia handik gutxira eroriko zela esan balu zorotzat hartuko zuketuen. Baina bizitza, mundua eta historia, posible egin diren ezinezko gauzez beterik dago. ■



## IRITZIAREN LEIHOA



- 1/ 14 JOLASEN TXOKOA  
18:00etan Begoñako udaltegia
- 1/ 15 JOLASEN TXOKOA  
18:00etan Errekaldeko udaltegia
- 1/ 16 JOLASEN TXOKOA  
18:00etan Castañoseko udaltegia
- 1/ 18 JOLASEN TXOKOA  
11:00etan Deustuko Bidarte udaltegia
- 1/ 21 BAPATEAN ZIRKO  
18:00etan Begoñako udaltegia
- 1/ 22 TOR MAGOA  
18:00etan Errekaldeko udaltegia
- 1/ 23 BAT, BI, HIRU... FESTAI  
18:00etan Tiboli eskolan
- 1/ 25 PUSKI ETA TXURRUSKI  
11:00etan Deustuko Bidarte udaltegia
- 1/ 28 SUKALDARITZA TAILERRA  
18:00etan Begoñako udaltegia
- 1/ 29 SUKALDARITZA TAILERRA  
18:00etan Errekaldeko udaltegia
- 1/ 30 SUKALDARITZA TAILERRA  
18:00etan Castañoseko udaltegia
- 2/ 01 SUKALDARITZA TAILERRA  
11:00etan Deustuko Bidarte udaltegia
- 2/ 04 INAKI EIZMENDI. GURASOENTZAKO HITZALDIA  
18:00etan Begoñako udaltegia
- 2/ 04 ANTZEKIZUNA TXOTXONGILO TALDEA  
18:00etan Begoñako udaltegia
- 2/ 05 ROSA MARTINEZ-EN TXOTXONGILOAK  
18:00etan Errekaldeko udaltegia
- 2/ 06 ATE JOKA ANTZERKI TALDEA  
18:00etan Tiboli eskolan

Zure seme-alabekin euskaraz disfrutatzeko baliabideak sarean.  
Ikusi eta Ikasi bloga!  
[www.ikusietaikasi.net](http://www.ikusietaikasi.net)